



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ

## ՀՐԱՄԱՆ

No 194-ՇԽ/Ձ

«22» Իստեփանյան 2025 թ.

**2025 ԹՎԱԿԱՆԻ 1-ԻՆ ՔՆՆԱՇՐՋԱՆԻ ԴՐՍԵԿՈՒԹՅԱՆ ՁԵՎՈՎ (ԷՔՍՏԵՌՆ)  
ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ  
ԱՇԽԱՏԱԿԱՐԳԸ ԵՎ ԺԱՄԱՆԱԿԱՑՈՒՅՑԸ ՀԱՍՏԱՏԵԼՈՒ ՄԱՍԻՆ**

Ղեկավարվելով Հայաստանի Հանրապետության կրթության և գիտության նախարարի 2010 թվականի հոկտեմբերի 14-ի N 1507-Ն հրամանի պահանջներով, ինչպես նաև հիմք ընդունելով ՀՀ վարչապետի 2019թ. հունիսի 1-ի N 661-Լ որոշման հավելվածով հաստատված Հայաստանի Հանրապետության կրթության, գիտության, մշակույթի և սպորտի նախարարության կանոնադրության 19-րդ կետի 20-րդ ենթակետը՝

### ՀՐԱՄԱՅՈՒՄ ԵՄ

1. Հաստատել «2025 թվականի 1-ին քննաշրջանի դրսեկության ձևով (էքստեռն) ավարտական քննությունների կազմակերպման և անցկացման աշխատակարգը և ժամանակացույցը՝ համաձայն N 1 և N 2 հավելվածների:
2. Քրեակատարողական հիմնարկներում ազատազրկման ձևով պատիժ կրող դատապարտյալների համար 2025 թվականի 1-ին քննաշրջանի դրսեկության ձևով (էքստեռն) ավարտական քննությունների կազմակերպման և անցկացման համար առաջարկել՝
  - 1) «Մոնթե Մելքոնյանի անվան ռազմամարզական վարժարան» հիմնադրամի տնօրեն Ալ.Մանուչարյանին՝ ձևավորել հանձնաժողով և անցկացնել Հայաստանի Հանրապետության արդարադատության նախարարության «Սևան» քրեակատարողական հիմնարկում ազատազրկման ձևով պատիժ կրող

դատապարտյալների համար 2025 թվականի 1-ին քննաշրջանի դրսեկության ձևով (էքստեռն) ավարտական քննություններ՝ համաձայն N 1 և N 2 հավելվածների:

2) «Արամ Մանուկյանի անվան մարզառազմական մասնագիտացված վարժարան» պետական ոչ առևտրային կազմակերպության տնօրեն Ա.Պետրոսյանին՝ ձևավորել հանձնաժողով և անցկացնել Հայաստանի Հանրապետության արդարադատության նախարարության «Նուբարաշեն» քրեակատարողական հիմնարկում ազատագրկման ձևով պատիժ կրող դատապարտյալների համար 2025 թվականի 1-ին քննաշրջանի դրսեկության ձևով (էքստեռն) ավարտական քննություններ՝ համաձայն հավելված 2-ի:

3) «Տիգրան Մեծի անվան ռազմամարզական հատուկ վարժարան» պետական ոչ առևտրային կազմակերպության տնօրեն Լ.Ղումաշյանին՝ ձևավորել հանձնաժողով և անցկացնել Հայաստանի Հանրապետության արդարադատության նախարարության «Արմավիր» քրեակատարողական հիմնարկում ազատագրկման ձևով պատիժ կրող դատապարտյալների համար 2025 թվականի 1-ին քննաշրջանի դրսեկության ձևով (էքստեռն) ավարտական քննություններ՝ համաձայն N 1 և N 2 հավելվածների:

3. «Գնահատման և թեստավորման կենտրոն» պետական ոչ առևտրային կազմակերպության տնօրենին առաջարկել 2025 թվականի 1-ին քննաշրջանի համար դրսեկության ձևով (էքստեռն) ավարտական քննություններ անցկացնել «Երևանի թիվ 198 ավագ դպրոց» պետական ոչ առևտրային կազմակերպությունում:

4. Քննություններն անցկացնել 2025 թվականի փետրվարի 15-ից մինչև մարտի 15-ը ներառյալ:

5. Հրամանի կատարման ապահովումը հանձնարարել նախարարության հանրակրթության վարչության պետին:

6. Հրամանի կատարման հսկողությունը վերապահել Կրթության, գիտության, մշակույթի և սպորտի նախարարի տեղակալ Արաքսիա Սվաջյանին:

1/22/2025



ԺԱՆՆԱ ԱՆԴՐԵԱՍՅԱՆ

ՆԱԽԱՐԱՐ

Signed by: ANDREASYAN ZHANNA 6402810169

ԺԱՆՆԱ ԱՆԴՐԵԱՍՅԱՆ

Հավելված N1  
Կրթության, գիտության, մշակույթի  
և սպորտի նախարարի  
2025թ. 2 Խմբակային N 194-ԱՂ հրամանի

**ԱՇԽԱՏԱԿԱՐԳ**

**2025 ԹՎԱԿԱՆԻ 1-ԻՆ ՔՆՆԱՇՐՋԱՆԻ ԴՐՍԵԿՈՒԹՅԱՆ ՁԵՎՈՎ (ԷՔՍԵՌՆ)  
ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ**

1. Հիմնական կրթության վկայական ստանալու համար դրսեկները 2025 թվականի 1-ին քննաշրջանի ընթացքում «Համաշխարհային պատմություն», «Հայաստանի աշխարհագրություն», «Աշխարհագրություն», «Ֆիզիկա», «Քիմիա», «Կենսաբանություն» առարկաների քննությունները հանձնում են գրավոր:

1) Քննական թեստերը կազմում է «Գնահատման և թեստավորման կենտրոն» պետական ոչ առևտրային կազմակերպությունը (այսուհետ՝ ԳԹԿ)՝ առնվազն 4 թեստ յուրաքանչյուր առարկայից՝ գնահատման 20 բալային համակարգով:

2) «Հայոց եկեղեցու պատմություն», «Հասարակագիտություն», «Ինֆորմատիկա», «ՆԶՊ և անվտանգ կենսագործունեություն», «Ռուսաց լեզու», «Ռուս գրականություն» (ռուսերենով ուսուցում ստացած դրսեկների համար), «Օտար լեզու» («Անգլերեն», «Ֆրանսերեն», «Գերմաներեն», այլ լեզուներ՝ սովորողի ընտրությամբ), «Գրականություն» առարկաների քննությունները հանձնում են բանավոր: «Ֆիզկուլտուրա» առարկայից հանձնում են ստուգարք (նորմատիվների հանձնում): Քննական հարցատոմսերը կազմում են էքստենսիվ քննություններ ընդունող դպրոցի (այսուհետ՝ Դպրոց) համապատասխան մեթոդական միավորումները՝ առնվազն 10 հարցատոմս յուրաքանչյուր առարկայից, գնահատման 10 բալային համակարգով:

2. Միջնակարգ կրթության ատեստատ ստանալու համար դրսեկները 2025 թվականի 1-ին քննաշրջանի ընթացքում «Համաշխարհային պատմություն», «Ֆիզիկա», «Քիմիա», «Կենսաբանություն», «Աշխարհագրություն», Օտար լեզու (անգլերեն, ֆրանսերեն, գերմաներեն, այլ լեզուներ՝ սովորողի ընտրությամբ), «Ռուսաց լեզու» առարկաների քննությունները հանձնում են գրավոր:

1) Քննական թեստերը կազմում է ԳԹԿ-ն՝ առնվազն 4 թեստ յուրաքանչյուր առարկայից՝ գնահատման 20 բալային համակարգով:

2) «Հայոց եկեղեցու պատմություն», «Հասարակագիտություն», «Ինֆորմատիկա», «ՆԶՊ և անվտանգ կենսագործունեություն», «Ռուս գրականություն» (ռուսերենով ուսուցում ստացած դրսեկների համար) առարկաների քննությունները հանձնում են բանավոր: «Ֆիզկուլտուրա» առարկայից հանձնում են ստուգարք (նորմատիվների հանձնում): Քննական հարցատոմսերը կազմում են Դպրոցի համապատասխան մեթոդական միավորումները՝ առնվազն 10 հարցատոմս յուրաքանչյուր առարկայից՝ գնահատման 10 բալային համակարգով:



3. Դրսեկության ձևով (ավարտական՝ ուսումնական պլաններով նախատեսված առարկաներից) քննությունները դրսեկները հանձնում են համաձայն ժամանակացույցի:

4. Հարցատոմսերով կազմակերպվող բանավոր քննությունների անցկացման ժամանակ յուրաքանչյուր դրսեկ վիճակահանությամբ ստանում է առանձին առաջադրանք (հարցատոմս): Դրսեկը, բանավոր քննություններին նախապատրաստվելիս կարող է կատարել գրավոր համառոտագրում:

Դրսեկության ձևով քննությունների արձանագրությունները և գրավոր աշխատանքները պահպանվում են դպրոցում, ավարտական փաստաթղթերը ստանալուց հետո՝ մեկ տարի:

5. Հիմնական կրթության վկայականում և միջնակարգ կրթության ատեստատում ավարտական և պետական ավարտական քննական առարկաները գնահատվում են 20 բալային համակարգով, իսկ տարեկան գնահատականները նշանակվում են՝ 20 բալային համակարգից գնահատականները վերածելով 10 բալային համակարգի:

Բանավոր քննությունները գնահատվում են 10 բալային համակարգով և համարվում են տարեկան գնահատականներ:

6. Գնահատականները գրանցելիս գնահատման 20 բալային համակարգից 10 բալային համակարգին անցման համապատասխանությունը կատարվում է համաձայն հետևյալ սանդղակի՝

8-9 միավոր– 4	16-17 միավոր–8
10-11 միավոր– 5	18-19 միավոր-9
12-13 միավոր– 6	20 միավոր-10
14-15 միավոր – 7	

7. Դրսեկության ձևով (էքստեռն) ավարտական քննությունները կազմակերպելու և անցկացնելու գործընթացը վերահսկվում է Կրթության, գիտության, մշակույթի և սպորտի նախարարության կողմից:

Դրսեկության ձևով (էքստեռն) ավարտական քննությունները կազմակերպվում են Հայաստանի Հանրապետության կրթության և գիտության նախարարի 2010 թվականի հոկտեմբերի 14-ի N 1507-Ն հրամանով հաստատված «Դրսեկության ձևով (էքստեռն) փոխադրական և ավարտական քննություններ կազմակերպելու» կարգի և սույն աշխատակարգի պահանջների համաձայն:

Հավելված N2

ՀՀ կրթության, գիտության, մշակույթի և սպորտի նախարարի  
2025թ. 22 հունիսի N 194/Ն/2 հրամանի

**ԺԱՄԱՆԱԿԱՑՈՒՅՑ**

**2025 ԹՎԱԿԱՆԻ 1-ԻՆ ՔՆՆԱՇՐՋԱՆԻ ԴՐՍԵԿՈՒԹՅԱՆ ՁԵՎՈՎ (ԷՔՍԵՌՆ)  
ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ**

- 1. ՀԻՄՆԱԿԱՆ ԿՐԹՈՒԹՅԱՆ ՎԿԱՅԱԿԱՆ ՍՏԱՆԱԼՈՒ ՀԱՄԱՐ**

	<b>Առարկա</b>	<b>քննության անցկացման եղանակը</b>	<b>քննությունների անցկացման օրերը</b>
1.	Ֆիզկուլտուրա	նորմատիվների հանձնում	17.02.2025թ.
2.	Հայոց եկեղեցու պատմություն	բանավոր	18.02.2025թ.
3.	ՆԶՊ և անվտանգ կենսագործունեություն	բանավոր	20.02.2025թ.
4.	Հասարակագիտություն	բանավոր	21.02.2025թ.
5.	Հայաստանի աշխարհագրություն	գրավոր	24.02.2025թ.
6.	Ինֆորմատիկա	բանավոր	25.02.2025թ.
7.	Կենսաբանություն	գրավոր	27.02.2025թ.
8.	Համաշխարհային պատմություն	գրավոր	28.02.2025թ.
9.	Ֆիզիկա	գրավոր	03.03.2025թ.
10.	Քիմիա	գրավոր	05.03.2025թ.
11.	Օտար լեզու (անգլերեն, ֆրանսերեն, գերմաներեն)	բանավոր	07.03.2025թ.
12.	Աշխարհագրություն	գրավոր	10.03.2025թ.
13.	Ռուսաց լեզու	բանավոր	12.03.2025թ.
14.	« Ռուս գրականություն » (ռուսերենով ուսուցում ստացած դրսեկների համար)	բանավոր	13.03.2025թ.
15.	«Գրականություն»	բանավոր	14.03.2025թ.

\*Քննությունների սկիզբը ժամը՝ 14:00-ին:

**1. ՄԻՋՆԱԿԱՐԳ ԿՐԹՈՒԹՅԱՆ ԱՏԵՍԱՏ ՍՏԱՆԱԼՈՒ ՀԱՄԱՐ**

	<b>Առարկա</b>	<b>քննության անցկացման եղանակը</b>	<b>քննությունների անցկացման օրերը</b>
1.	Ֆիզկուլտուրա	նորմատիվների հանձնում	17.02.2025թ.
2.	Հայոց եկեղեցու պատմություն	բանավոր	18.02.2025թ.
3.	ՆԶՊ և անվտանգ	բանավոր	20.02.2025թ.



	Կենսագործունեություն		
4.	Հասարակագիտություն	բանավոր	21.02.2025թ.
5.	Ինֆորմատիկա	բանավոր	25.02.2025թ.
6.	Կենսաբանություն	գրավոր	27.02.2025թ.
7.	Համաշխարհային պատմություն	գրավոր	28.02.2025թ.
8.	Ֆիզիկա	գրավոր	03.03.2025թ.
9.	Քիմիա	գրավոր	05.03.2025թ.
10.	Օտար լեզու (անգլերեն, ֆրանսերեն, գերմաներեն)	գրավոր	07.03.2025թ.
11.	Աշխարհագրություն	գրավոր	10.03.2025թ.
12.	Ռուսաց լեզու	գրավոր	12.03.2025թ.
13.	«Ռուս գրականություն» (ռուսերենով ուսուցում ստացած դրսեկների համար)	բանավոր	13.03.2025թ.

\*Քննությունների սկիզբը ժամը՝ 12:00-ին: